



## Publicaziuns officialas dils 18-08-2017

---

### Damondas da baghegiar

Nr. 77/2017

Datum da publicaziun: 18-08-2017  
Patrun: Cumissiun da meglieraziun, 7175 Sumvitg  
Representant: Biro d'inschignier Cavigelli SA  
Liug e parcella: Clavadi-Tuor; 4187  
Object: Spazzar clavau

Nr. 78/2017

Datum da publicaziun: 18-08-2017  
Patrun: Vischnaunca Sumvitg, departament agricultura, 7175 Sumvitg  
Liug e parcella: Runé; 5155  
Object: Sanaziun dil tetg ed externa dalla tegia, nova annexa cun entrada

Nr. 69/2017

Datum da publicaziun: 18-08-2017  
Patrun: Mathiuet Paul, 7176 Cumpadials  
Representant: Maissen Urban, 6015 Luzern  
Liug e parcella: Falens; 3658  
Object: baghetg annex per car annex e tanc da latg

Il profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 18-08-2017

*Cumissiun da baghegiar*

### Sanaziun dallas vias Catat, Caduff e Chistrisch

A caschun dalla radunonza communal dils 20 da zercladur 2017 ei il project da sanaziun dallas vias Catat, Caduff e Chistrisch vegnius approbaus. Ils 21 d'uost 2017 vegn entschiet cun las lavurs che vegnan exequidas en etappas. En ina emprema etappa vegn il tschancun naven dalla cruschada Fravia direcziun Chistrisch sanaus. Duront il temps da sanaziun stat in sviament sur la via da Cavivens a disposiziun.

Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 18-08-2017

*Departament traffic*

## **Sanaziun dalla Via Reits**

A caschun dalla radunonza communal dil 20 da zercladur 2017 ei il project da sanaziun dallas Via Reits vegnius approbaus. Ils 21 d'ust 2017 vegn entschiet cun las lavurs da sanaziun.

Nus supplichein per enconuschientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 18-08-2017

*Departament traffic*

## **Entschatta digl onn da scola 2017/18**

**Scolarets e scholars primars:** La messa da scola per ils scolarets ed ils scholars dalla casa da scola da Rabius ha liug gliendisdis, ils 21-8-2017 allas 8.30. Muort la renovaziun dalla baselgia da Rabius ha la messa liug en casa da scola a Rabius. Ils transports curseschan tenor igl urari publicau sin nossa pagina d'internet [www.scolasumvitgtrun.ch](http://www.scolasumvitgtrun.ch).

**Scolars/-as superiurs/-as:** La messa da scola per ils/las scolar/as dil scalem superiur dalla vischnaunca da Sumvitg ha liug gliendisdis, ils 21-8-2017 allas 8.15 ella baselgia da Trun. Ils transports curseschan tenor igl urari publicau sin nossa pagina d'internet [www.scolasumvitgtrun.ch](http://www.scolasumvitgtrun.ch) Nus giavischein a tuts scolarets ed a tuts scholars ina bun'entschatta pil niev onn da scola. *Consorti da scola Sumvitg-Trun*

## **Pleiv Sumvitg**

### **Sonda, ils 26 d'ust 2017 allas 20.00 a Surrein**

Concert d'inauguraziun dall'orgla nova en baselgia parochiala

### **Dumengia, ils 27 d'ust 2017, allas 10.00 a Surrein**

Fiasta dil Cor da Maria culla benedicziun dall'orgla nova. Cordial beinvegni *Suprastonza da Pleiv Sumvitg*

## **Societad da tir Vial Sumvitg – Tir obligatori 2017**

La societad da tir Vial Sumvitg envida al tir obligatori il suandont termin: **Dumengia, ils 27 d'ust 2017, allas 15.00–17.30**

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus mo quei di. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

## **Fiasta d'inauguraziun dallas cazzolas a Surrein**

Exposiziun dalla glisch, grond til da maschinas ed autos gastronomia sin via, giugs per affons, concert en baselgia Sonda, ils 26 d'ust, dallas 11.00–22.00 *Cordial beinvegni, vischinadi Surrein*

## **Controllas apparats d'udida**

**Gliendisdis, ils 28 d'ust 2017** saveis Vus schar schubergiar e rugalar Vies aparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunabla-mein quei survetsch gratuit per tuts interessents. Ei drova negina annunzia.